

# **Bwletin Awdurdod S4C**

## **Cyfarfod 305 - 22 Tachwedd 2007**

### **S4C, Caerdydd**

Mae'r bwletin hwn yn adrodd ar gyfarfod yr Awdurdod a gynhaliwyd ar 22 Tachwedd 2007.

#### **1. Ymgynghoriad Plant**

Amlinellodd RhG yr amserlen arfaethedig, a gobeithir lansio'r gwasanaeth meithrin ym Mehefin 2008, gyda chymalau pellach i ddilyn.

Penderfynwyd cymeradwyo'r patrwm darlledu yn amodol ar dderbyn cyngor am yr angen am Orchymyn yng nghyd-destun y gwasanaeth Meithrin ac yn ogystal yn amodol ar y trafodaethau yn ymwneud â darlledu o'r Cynulliad a chapasiti S4C2 yng nghyd-destun y gwasanaethau Cynradd ac Ardddegau.

#### **2. Adroddiad y Cadeirydd**

Diolchodd y Cadeirydd i bawb oedd wedi bod ynghlwm â darpariaeth arbennig S4C o angladd Ray Gravel o Barc y Strade.

Mynychodd Gynhadledd Mercator yn Aberystwyth i ddathlu pen-blwydd S4C yn 25. Diolchodd i'r BBC am noddi'r cinio ar y nos Wener, ac yn ogystal am eiriau caredig Keith Jones am natur y berthynas rhwng y BBC ac S4C.

Nododd bod tri chinio llwyddiannus wedi eu cynnal yn S4C ynghyd â derbyniad i gynhyrchwyr a derbyniad yn Llundain fel rhan o ddathliadau S4C yn 25 oed. Roedd derbyniad yn dal i'w gynnal yn y Gogledd.

#### **3. Adroddiad y Prif Weithredwr**

Cyflwynodd IJ ei hadroddiad. Nododd fod Ofcom wedi cyhoeddi dogfen ymgynghorol yn ymwneud ag aildrefnu'r plethiadau DTT ar gyfer darganfod gofod ar gyfer darllediadau Manlyder Uwch o'r gwasanaethau PSB.

Nododd IJ fod adroddiad diweddaraf y Pwyllgor Dethol CMS ar Gynnwys Gwasanaeth Darlledu Cyhoeddus wedi ei gyhoeddi. Roedd yn defnyddio S4C fel esiampl o arian cyhoeddus yn cael ei ddsbarthu i ddarlledwr yn uniongyrchol gan ddangos fod modd i ddarlledwr barhau i weithredu yn annibynnol.

Nododd RhG ei bod wedi annerch cynhadledd *Voice of the Listener and Viewer* yn ymwneud â darlledu i blant ac mai S4C oedd yr unig ddarlledwr yn y gynhadledd oedd yn bwriadu cynyddu ei ddarpariaeth yn y maes.

Yn dilyn trafodaeth penderfynwyd cymeradwyo dogfen Llythrennedd y Cyfryngau S4C ar gyfer 2008.

#### **4. Cyllideb 2008**

Cytunwyd y byddai KM yn cyflwyno Cyllideb Drafft 2008 yng nghyfarfod yr Awdurdod fis Rhagfyr.

#### **5. Cymeradwyo Drafft Cynllun Corfforaethol 2008**

Trafodwyd man newidiadau i'r Cynllun Corfforaethol ar gyfer 2008.

#### **6. Adolygiad Polisi Amddiffyn Plant S4C**

Trafodwyd a chymeradwywyd y Polisi Amddiffyn Plant.

#### **7. Adroddiad ar Bwyntiau Gweithredu S4C ar wahaniaethu ar sail anabledd ar gyfer 2007**

Derbyniwyd yr Adroddiad.

#### **8. Drafft o Gynllun Gweithredu S4C ar wahaniaethu ar sail anabledd ar gyfer 2008**

Yn dilyn trafodaeth cymeradwywyd y Cynllun Gweithredu drafft ar gyfer 2008.

#### **9. Cyflwyniad ar Ymchwil Segmenteiddio**

Cafwyd cyflwyniad gan Carys Evans a chynrychiolwyr GfK NOP.

#### **10. Materion Eraill**

Yn ogystal, trafodwyd/nodwyd y materion canlynol:

- Adroddiad Cwynion a Chydymffurfiaeth
- Adroddiad Ymchwil
- Adroddiad y Cyfarwyddwr Comisiynu
- Rhaglen Waith yr Awdurdod 2007
- Tabl Digwyddiadau am 2007